

ORDENANZA FISCAL


TAXA POLA RETIRADA DE

VEHÍCULOS A TRAVÉS DA VÍA

PUBLICA E DÉPOSITO DOS

MESMOS

(GUINDASTRE)



ARTIGO 7. Período impositivo e Devengo.

1. O período impositivo coincidirá co ano natural. Cando se trate de novas autorizacións o período impositivo iniciarase o primeiro día do trimestre natural no que se conceda a autorización.

2. A taxa devengarase o primeiro día do período impositivo, agás cando se trate de novos aproveitamentos que será o primeiro día do trimestre natural no que se conceda a autorización.

As cotas serán irreductibles, sendo rateables por trimestres naturais, ademais do suposto anterior (novo aproveitamento), no caso de cese da utilización privativa ou aproveitamento especial.

3. Nas reservas temporais, a taxa devengarase no momento en que sexa autorizada a utilización privativa ou aproveitamento especial ou sexa iniciado o aproveitamento sen obter a oportuna licencia. O período impositivo será o autorizado, expresado en días.

ARTIGO 8. Normas de xestión.

1. Para gozar dos aproveitamentos especiais e utilizacións privativas da vía pública, os interesados deberán solicitar a oportuna licenza. As solicitudes conterán, en todo caso, os seguintes datos:

- Nome, apelidos e NIF, ou razón social e CIF, no seu caso, do solicitante, facendo constar o enderezo.

- Indicación da superficie e emprazamento da reserva ou aproveitamento.

No momento de solicita-la autorización para realizar os aproveitamentos previstos nesta Ordenanza, os peticionarios deberán ingresar o importe dos períodos a que se refire a petición.

Dito importe será autoliquidado polo suxeito pasivo, con expresión do artigo de suxección e do/s concepto/s autoliquidados. Non se tramitará o expediente se non se ten efectuado o pagamento correspondente.

2. Revisada a autoliquidación, practicaranse os abonamentos ou esixiranse as diferencias que procedan, elevándose a definitiva a liquidación ata entón provisinal.

3. Autorizada a utilización privativa ou aproveitamento especial, entenderase prorrogada automáticamente, ata que a baixa sexa solicitada polo interesado ou ben sexa declarada a súa caducidade. As baixas producirán efectos a partir do trimestre seguinte a aquel en que se solicita, que de non peticionarse seguiráse devengando a taxa.

4. Tódalas autorizacións concedidas serán consignadas nun Padrón, que será elaborado anualmente. Os contribuíntes deberán ingresar o importe das cotas tributarias referidas no Padrón fiscal anual na Tesourería Municipal ou nas Entidades Financeiras colaboradoras.

5. No caso de que os interesados renuncien ó aproveitamento especial con posterioridade á autorización do mesmo, devengaranse igualmente o importe das cotas que orixinaran, sendo estas rateables conforme o disposto no apartado 2 do artigo 7.

6. Os titulares serán responsables dos danos oca-

sionados nas beirarruas co motivo do uso especial que comporta a entrada e saída de vehículos, polo que estan obligados a requerimento da autoridade competente. O incumplimento dará lugar á execución forzosa nos termos da lei de procedemento administrativo.

7. En caso do cesamento do uso especial, os titulares estarán obligados a entregar a placa correspondente.

ARTIGO 9. Infraccións e sancións.

En todo o relativo a calificación de infraccións tributarias, así como das sancións que ás mesmas correspondan en cada caso, estarase ó disposto nos artigos 183 e seguintes da Lei 58/2003, de 17 de decembro, xeral tributaria.

DISPOSICIÓN ADICIONAL PRIMEIRA

As anteriores tarifas serán incrementadas anualmente no I.P.C.

DISPOSICIÓN DERROGATORIA

A partires da entrada en vigor desta ordenanza queda derogada a anterior (Nº 12: Ordenanza reguladora do prezo público por entrada de vehículos a través das beirarrúas e as reservas de vía pública para aparcamiento, carga e descarga de mercancías de calqueira clase).

DISPOSICIÓN FINAL

A presente Ordenanza Fiscal foi aprobada polo Pleno da Corporación, e entrará en vigor unha vez se produxa a publicación do seu texto no BOP. A presente Ordenanza permanecerá vixente en tanto non se acorde a súa modificación ou derogación expresa."

ORDENANZA FISCAL REGULADORA DA TAXA POLA RETIRADA DE VEHÍCULOS A TRAVÉS DA VÍA PÚBLICA E DEPÓSITO DOS MESMOS.

ARTIGO 1. Fundamento e natureza.

No uso das facultades concedidas polos artigos 133.2 e 142 da Constitución e polo artigo 106 da Lei 7/85, reguladora das Bases de Réxime Local, e de conformidade co disposto nos artigos 15 a 19 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, este Concello de Guitiriz establece a TAXA POLA RETIRADA DE VEHÍCULOS A TRAVÉS DA VÍA PÚBLICA E DEPÓSITO DOS MESMOS, a que se refire o artigo 20.4.z) do Real Decreto Lexislativo 2/2004, de acordo co previsto no Texto articulado da Lei sobre tráfico, circulación de vehículos a motor e seguridade vial, e que se rexerá pola presente Ordenanza Fiscal, atendendo as súas normas ó disposto no artigo 57 do devandito R. D. Lexislativo 2/2004.

ARTIGO 2. Feito Imponible

Constitúe o feito imponible da presente taxa a presentación do servizo de recepción obligatoria de retirada, traslado e almacenamento de vehículos que se atopan na vía pública e terreos contiguos, así como a súa inmovilización, que constitúan un perigo ou perturban gravemente a circulación, así como o funcionamento dalgún servizo público.

ARTIGO 3. Obriga de contribuir

A obriga de contribuir nacerá, devengándose a taxa, no momento en que interveñan os axentes municipais co fin de retirar os vehículos. Na modalidade de depósito, devengarase a taxa e nace a obriga de contribuir dende que o vehículo chega ó local destinado ó seu depósito.

ARTIGO 4. Suxellos pasivos.

- Son suxeitos pasivos desta taxa, a título de contribuínte, as persoas físicas ou xurídicas e as entidades a que se refire o artigo 36 da Lei 58/2003, de 17 de decembro, xeral tributaria e o artigo 23 do R.D.Legislativo 2/2004, que resulten afectadas pola prestación do servizo. A falta de proba en contrario, entenderase que o afectado pola prestación do servizo é o titular que figure no permiso de circulación.

- Responderán solidariamente das obrigas tributarias do suxeito pasivo as persoas e entidades a que se refire o artigo 42 da Lei 58/2003, de 17 de decembro, xeral tributaria. Serán responsables subsidiarios da débeda tributaria as persoas e entidades a que se refire o artigo 43 da Lei 58/2003.

ARTIGO 5. Beneficios fiscais.

Non serán aplicables beneficios fiscais, agás os que podan establecer normas con rango de lei e os derivados da aplicación de tratados internacionais.

ARTIGO 6. Base de gravame

A cota tributaria determinarase por unha cantidade fixa determinada en función da naturaza do servizo prestado.

ARTIGO 7. Tarifas

Rexerán as seguintes tarifas:

1. Retirada e traslado ó depósito, por cada vehículo.

- 1.1. Motocicletas, motocarros e vehículos análogos: 40 euros

- 1.2. Turismos e furgonetas con carga ata 1.100 Kg: 55 euros

- 1.3. Turismos e furgonetas cun peso máximo con carga, superior a 1.100 Kg, ata 2.500 Kg: 65 euros

- 1.4. Vehículos de tonelaxe, con carga superior a 2.500 Kg, ata 4.500 Kg: 100 euros

- 1.5. Vehículos de tonelaxe, con carga superior a 4.500 Kg, ata 10.000 Kg: 500 euros

- 1.6. Cando o importe da factura emitida pola empresa que efectúe a retirada do vehículo, sexa superior a tarifa mencionada no apartado 1.5, o contribuínte deberá aboar o custo total da retirada (o importe da tarifa máis a diferenza entre esta e a factura emitida)

- 1.7. Se non se fai o traslado do vehículo por facerse cargo do mesmo o suxeito pasivo antes da saída do coche-guindastre cara ó depósito, percibirase o 50% das tarifas anteriores.

2. Almacenamento de vehículos, por unidade e día ou fracción:

- 2.1. Motocicletas, motocarros e vehículos análogos:

6 euros

- 2.2. Turismos e furgonetas con carga ata 1.100 Kg: 10 euros

- 2.3. Turismos e furgonetas cun peso máximo con carga, superior a 1.100 Kg, ata 2.500 Kg: 20 euros

- 2.4. Vehículos de tonelaxe, con carga superior a 2.500 Kg, ata 4.500 Kg: 40 euros

- 2.5. Vehículos de tonelaxe, con carga superior a 4.500 Kg, ata 10.000 Kg: 70 euros

3. Inmovilización de vehículos:

- 3.1. Vehículos de todas clases, con tonelaxe, ate 1.000 Kg: 30 euros

- 3.2. Vehículos de todas clases, con tonelaxe, superior a 1.000 Kg e inferior a 5.000 Kg: 40 euros

- 3.3. Vehículos de todas clases, con tonelaxe, superior a 5.000 Kg: 90 euros

ARTIGO 8. Normas complementarias de xestión.

Trasladados os vehículos ó depósito pola unidade administrativa que corresponda ou polo concesionario do servizo, cursarase comunicación ó titular do vehículo para que antes do derradeiro día hábil do mes seguinte a aquél en que reciba a comunicación, se faga cargo do mesmo e aboe o importe das taxas correspondentes que deberá ser depositado no momento en que o titular ou persoa autorizada se presente a recoller o vehículo.

A saída dos vehículos almacenados no depósito, deberá ser autorizada polo que dispuxo o seu ingreso ou persoa habilitada para iso, e únicamente poderán ser entregados ós seus titulares ou persoas autorizadas, que en dito momento autoliquidarán a taxa e ingresarán o importe ou constituirán garantía suficiente.

Cando proceda inmovilizar un vehículo con cepos ou outros procedementos similares, os conductores ou propietarios destes, solicitarán ós axentes municipais aúa retirada, para o que deberán ingresar o importe previsto no artigo 7.

ARTIGO 9. Infraccións e sancións.

En todo o relativo a calificación de infraccións tributarias, así como das sancións que ás mesmas correspondan en cada caso, estarase ó disposto nos artigos 183 e seguintes da Lei 58/2003, de 17 de decembro, xeral tributaria.

DISPOSICIÓN ADICIONAL PRIMEIRA

As anteriores tarifas serán incrementadas anualmente no I.P.C.

DISPOSICIÓN FINAL

A presente Ordenanza Fiscal foi aprobada polo Pleno da Corporación, e entrará en vigor unha vez se produza a publicación do seu texto no BOP. A presente Ordenanza permanecerá vixente en tanto non se acorde a súa modificación ou derogación expresa.

ORDENANZA MUNICIPAL REGULADORA DA EXPEDICIÓN DE TARXETAS DE ESTACIONAMENTO E TARXETAS DE ACCESIBILIDADE, SEGUNDO O ESTABLECIDO NA LEI 8/97 DO 20 DE AGOSTO, DE